

2017 жылғы 5 қазанда Павлодар технологиялық колледжіне Енбек ресурстары теңсіздігін реттеу және Оңтүстік өңірдегі халықты Солтүстік өңірлерге көшіріп, жұмыспен және баспанамен қамтамасыз ету саясатын түсіндіру мақсатында, Павлодар қаласындағы әлеуметтік бағдарлама бойынша жұмыспен қамту орталығынан Меруерт ханым келген болатын.



Бұл жиналысқа Павлодар Мемлекеттік Технологиялық колледжі және Павлодар Мемлекеттік коллік және коммуникациялар колледжінің «Серпін» әлеуметтік жобасы бойынша білім алушылары қатысты. Бағдарламада Алматы, Талдықорған, Шымкент, Тараз, Кентау, Түркістан, Қызылорда, т.б. оңтүстік қалалар және аудандар, ауылдардағы аз қамтылған отбасылар, көп балалы отбасылар, дипломы бола тұра, жұмыссыз отырған азаматтарды жұмысқа тарту мақсатымен жасалып отыр. Оңтүстіктен солтүстікке көшіп келген отбасындағы әр отбасы мүшесіне 80000 теңге бөлініп, 1 жыл бойы тұратын баспанаға жалдап тұру ақысы толенетіні туралы айтты. Бірақ, отбасында ешбір жанның

мамандығы болмаса, ешқандай кәсіппен айналысуга шамасы келмейтін болса, тек сол болінген акшаға ғана қызығып келіп, 1-2 айда қайтып кететіндерге бағдарлама ережелері орындалмайтынын ескертті. Оңтүстіктен Солтүстікке кошуге 672 отбасы ниет білдіріп отыр. Онын ішіндегі еңбек етуге 1008 адам, 116-сы ауыл шаруашылығымен, 98-і кәсіпкерлікті дамытумен айналысуга, 794-і мемлекеттік кәсіпорындарға жұмысқа орналасуга ниет білдіреді. Ал қазіргі таңда осы бағдарлама бойынша 50-ге таяу отбасы Солтүстікке қоныс аударды. Осы кездесуге студенттер белсене қатысып, қызықтыратын сұрақтарына қанағаттанарлықтай жауап ала алды. Сауалнама барысында «Серпін» бағдарламасы бойынша оқуды бітірген студенттерге де қала, ауыл немесе аудан орталығынан жұмыспен, баспанамен қамтылуы туралы ұсыныстар қарастырылатынын айтты.

Технологиялық колледждің 4 курс студенті Алякбар Жазира осы бағдарлама бойынша өзінің туыстары Павлодар қаласының Шарбақты ауданы Жылы бұлақ ауылына көшіп келіп, ағасы ауыл мектебіне директор, ал жөңгесі сол мектепке бастауыш сынып мұғалімі болып жұмысқа орналасқаны, балалары да ауыл мектебі мен бала бақшаға қабылданғаны туралы айтты.

Расында да, оңтүстік өңірлерде халықтың басымдығы, бірақ мамандықтары бойынша жұмыс тапшылығы, көп балалы отбасылардың көптігі, аз қамтылған отбасылар жағдайы төмен екені белгілі. Егер халыққа әлеуметтік қолдау көрсетіліп, болашағы айқындалса, бұл бағдарлама өте тиімді. Білім алушылар болашағы зор бастамаларды қолдау игілікті іс екені туралы маңызды ақпарат алды.